

**15 ЯНВАРЯ: Преподобного и Богоносного отца нашего Серафима,
Саровского чудотворца**

Вечером 14 января

Изменяемое №1

На Господи возвах:

Стѹх: *Изведи из темницы душу мою, исповедатися имени Твоему.*

Стѹх: *Менѣ ждут праведницы, дондеже воздаси мне.*

Стѹх: *Из глубины возвах к Тебѣ, Господи, Господи, услыши глас мой.*

Стѹх: *Да будут уши Твои внемлюще гласу моления моего.*

Стѹх: *Аще беззакония назиши, Господи, Господи, кто постоит; яко у Тебѣ очищение есть.*

**О, преславное чудо,/ подвижник благочестия в Сарове является/ и
молитвенник к Богу теплый/ Серафим пречудный нам бывает;/
веселися, обитель Саровская,/ имущи в себѣ мѹщи преподобнаго;/
взыграйте, православных множества,/ предивнаго Серафима имуще
в бѣдах заступника и вопиюще к нему:/ радуйся, светильниче
Россійския земли,/ тьмы сопротивных далѣче отревай/ и Господеву
молись/ даровати душам нашим мир и велию милость.**

Стѹх: *Имене ради Твоего потерпѣх Тя, Господи, потерпѣ душа моя в слово
Твое, уповѣ душа моя на Господа.*

**О, дивное чудо,/ се бо воистинну во обители Саровстей/
благочестия столп непоколебимый -/ Серафим блаженный является
нам,/ тѣмже, Богомудрых собори,/ на высотѹ дѹхом возноситеся,/ к
преподобному вопиюще:/ преподобне ѹтче Серафиме,/ Господеву
молись/ даровати душам нашим мир и велию милость.**

Стѹх: *От стражи утренняя до нѹщи, от стражи утренняя, да уповает
Израиль на Господа.*

**Дивны Твоя тайны, Христѣ Бѹже,/ яко даровал еси нам
светильника, преподобнаго Серафима,/ верным людем на
сопротивныя крепкого побѹрника,/ иноком и всем православным
христианом молитвенника,/ святѣй обители похвалѹ и утверждение;/**

той и ныне мо́лит Тя Го́споди,/ дарова́ти душáм нáшим мир и вéлию мíлость,

Стíх: Я́ко у Го́спода мíлость, и мно́гое у Него́ избавлéние, и То́й избáвит Изра́иля от всéх беззакóний его́.

Егда́ вшел еси́, преподо́бне, в пусты́ню Саро́вскую,/ тогда́, своея́ во́ли до конца́ совлéкся,/ твёрдое ко всем послуша́ние показáл еси́:/ досáды бо и безчéстия претерпéл еси́, ра́дуйся,/ ударéния и рáны от злых челове́к прия́л еси́,/ о нíхже и моли́лся еси́, преподо́бне./ Мы же, прославляюще пречестну́ю па́мять твою́,/ мо́лим ти ся, преподо́бне:/ Го́сподеви моли́ся/ мир мíрови дарова́ти/ и душáм нáшим вéлию мíлость.

Стíх: Хвалíте Го́спода всí язы́цы, похвалíте Его́ всí лю́дие.

Блаже́нна обíтель Саро́вская,/ имúщи тебе́, преподо́бне о́тче Серафíме,/ добродéтелей сокро́вище, сосúд чистоты́,/ целомúдрия хранíтеля, приятелище благода́ти,/ исто́чник исцелéний, боля́щим врачá безмéздна,/ по́стника íстинна, в ско́рбех утéшителя,/ житéйскими страстьми́ обурева́емым тíхое пристáнище;/ нам же, творя́щим честну́ю па́мять твою́,/ моли́, преподо́бне о́тче Серафíме,/ дарова́ти мир и вéлию мíлость.

Стíх: Я́ко утверди́ся мíлость Его́ на нас, и íстина Господня́ пребывáет во вéк.

Днесь лику́ют собо́ри ве́рных/ в па́мьть твою́, преподо́бне Серафíме,/ и велегла́сно вопи́ют:/ ты, любве́ ра́ди Христо́вы/ вся кра́сная мíра оста́вив/ и в пусты́ню Саро́вскую всели́вся,/ ника́коже устращíлся еси́ невидимых враг боро́ения,/ но сия моли́твами твоими́, я́ко прах, отметáл еси́;/ те́мже Го́сподеви моли́ся/ дарова́ти душáм нáшим мир и вéлию мíлость.

Сла́ва, глас 8: Приидíте, ве́рных собо́ри,/ похва́льными пéсньми днесь пречúднаго о́тца́ просла́вим/ и сíце ему́ возопи́им;/ преподо́бне о́тче Серафíме,/ воíстинну сподо́бился еси́ Божéственныя жíзни,/ при́йм от Бо́га венéц нетлénныя сла́вы,/ сего́ ра́ди обíтель Саро́вская тобо́ю хва́лится,/ лю́дие же, чтúще честны́я мо́щи твоя́ и зря́ще чудеса́ бывáемая,/ сла́вят прославля́ющаго тя Го́спода,/ Ему́же моли́ся, преподо́бне,/ дарова́ти душáм нáшим мир и вéлию мíлость.

И ны́не, предпра́зднства или Богоро́дичен, глас то́йже:

Царь Небесный за человеколюбие на земли явися,/ и с человеки поживе,/ от Девы бо Чистыя плоть приемый/ и из Нея прошедый с восприятием./ Един есть Сын, сугуб естеством,/ но не Ипостасию./ Темже совершенна Того Бога/ и совершенна Человека воистину проповедающе,/ исповедуем Христа Бога нашего:/ Егоже моли, Мати Безневестная,/ помиловаться душам нашим.

<далее см. основной Чин>

Изменяемое №2

Прокімен после «Свѣте тихий»: *См. Прокимен дня <далее см. основной Чин>*

Изменяемое №4

Лития *глас 1:*

Кіими похва́льными венцы́/ венча́им подви́жника вели́каго,/ преподо́бнаго Серафѣ́ма?/ Той бо, яко наста́вник до́брый,/ в твёрдости ве́ры и добродѣтели яви́ся,/ Богодухнове́нными учѣнии и равноа́нгельным жити́ем/ приходя́щия к нему́ науча́я./ Те́мже вопи́ем ему́:/ моли́ся, преподо́бне, Христу́ Бо́гу/ Правосла́вную ве́ру утверди́ти/ и душа́м на́шим спасти́ся.

Прииді́те, інок мно́жества,/ днесь преподо́бнаго благоче́стно восхва́лим,/ істиннаго ученика́ Спа́сова,/ мирску́ю прѣлесть попра́вшаго,/ ярем Христо́в на ра́мо взѣмшаго/ и полки́ бесо́в посрамѣ́вшаго./ К нему́же бозопи́им си́це:/ не забу́ди нас, о́тче Серафѣ́ме,/ восхваля́ющих и чту́щих святу́ю па́мять твою́.

Свѣтлая и Божѣ́ственная па́мять тво́я,/ преподо́бне Серафѣ́ме, удиви́ всех,/ аки безплóтен бо, во плóти врагѣ́ невидимы́я посрамѣ́л еси́,/ вся же страна́ Тамбо́вская/ и святáя обі́тель Саро́вская,/ иму́щи тво́я святы́я мо́щи, хва́лится,/ сі́ми бо здра́вие/ всем, с ве́рою притека́ющим, пода́ется./ Те́мже, просветѣ́вшеся тобо́ю,/ вопи́ем тит преподо́бне:/ моли́ спасти́ся душа́м на́шим.

Сла́ва, глас 5: Ра́дуйся днесь, вся Росси́йская землѣ́,/ и святáя обі́тель Саро́вская, весели́ся./ Ве́рных же мно́жества, стѣкшеся днесь,/ просла́вим преподо́бнаго отца́,/ па́стыря и учи́теля,/ Богому́драго наста́вника заблуждшим,/ ско́раго всех боля́щих целі́теля,/ Росси́йския земли́ вели́кое украше́ние,/ его́же

похваляюще, сїце рцем:/ преподобне Серафїме,/ спасї нас
молїтвами твоїми.

И ныне, Богородичен: Храм и дверь еси,/ палата и престол Царев,/ Дево Всечестная,/ Еюже Избавитель мой, Христос Господь,/ во тьме спящим явися,/ Солнце сый правды, просветити хотя,/ яже созда по образу Своему рукою Своею./ Темже, Всепетая,/ яко матерне дерзновение к Нему стяжавшая,/ непрестанно моли спастися душам нашим.

<далее см. основной Чин>

Изменяемое №5

По полиелѣи седáлен *глас 7:*

Просия добродетельное житіе твоё, преподобне, ныне в Россійстей землі,/ и от всех пѣсньми похвãльными слãвишися:/ ты бо, яко Илія, на колесницу добродетелей вшед,/ на Небесã душѣю возлетѣл еси/ и тамо праведно пресвѣтлым венцемъ венчался еси./ Темже, благодаряще, вопіем ти, блаженне Серафїме:/ моли Христа Бóга грехов оставление даровати/ чтущим любовь святую память твою.

Слãва, и ныне, Богородичен: Пречїстая Дѣво,/ помилуй нас, прибегающих верою к Тебѣ, Милосердней,/ и просящих тѣплаго Твоего заступления:/ яко Мãти Бóга Вышняго, моли Сына Твоего, Христа Бóга нашего,/ спастися рабѣм Твоим.

<далее см. основной Чин>

Изменяемое №6

Степѣнна, 1-й антифѣн 4-го глãса.

Прокїмен *глас 4:* Честна пред Господем/ смерть преподобных Его.

Стих: Чтѣ возда́м Господеви о всех, яже воздаде ми?

<далее см. основной Чин>

Изменяемое №7

По 50-м псалмѣ стихїра *глас 6:*

Днесь, вернии, духовно торжествующе/ в нарочитом прãзднице преподобнаго отцã/ и благочестно радуящеся,/ томѹ тѣпле возопїим:/ радуйся, Серафїме блаженне;/ радуйся, Небесный челове́че и земный Ангеле;/ радуйся, мно́гих на путь спасения

наста́вивый;/ ра́дуйся, ве́рным похва́ло и Росси́йстей земли́
утвержде́ние./ Моли́ся о душа́х на́ших.

<далее см. основной Чин>

Изменяемое №8

Кано́н преподо́бнаго пе́рвый *глас 6.*

Песнь 1

Ирмо́с: Яко по су́ху, пешешествовав Изра́иль/ по бездне стопáми,/ гоните́ля
фарао́на/ ви́дя потопля́ема,/ Бо́гу победную́ песнь по́йм, вопия́ше.

Го́споди, отве́рзи мой недосто́йней устне́ и даждь ми сло́во ра́зума/
воспе́ти досто́йно па́мь блаже́ннаго Серафа́има,/ ны́не со А́нгелы
моля́щагося Тебе́/ изба́вити нас от вся́каго лю́таго обстоя́ния.

К Богоро́дице вели́кий моли́твенник был еси́, преподо́бне,/ Ю́же
ви́дети со апо́столы сподо́бился еси́,/ и ны́не не преста́й моли́твами
твои́ми посеща́ти чад твои́х.

От ю́ности твоея́, преподо́бне, преда́лся еси́ умо́м Бо́гови и,
стра́сти телесны́я кре́пким воздержáнием укроти́в,/ вся́кими
добродете́лями украси́лся еси́, премúдре.

Богоро́дичен: Всеблагáя Влады́чице,/ Я́же Преблагáго Бо́га плóтию
ро́ждши,/ озло́бленное страстьми́ моё се́рдце очисти́,/ да ве́рою и
любо́вию величаю́ Тя.

Ин кано́н преподо́бнаго *глас 8.*

Песнь 1

Ирмо́с: Во́ду проше́д, яко су́шу,/ и египетского́ зла избежа́в,/ израи́льтянин
вопия́ше:/ Изба́вителю́ и Бо́гу на́шему по́йм.

По за́поведи Влады́ки Христа́ у́зким и те́сным путе́м вшел еси́,
преподо́бне, в Ца́рство Небе́сное,/ широ́кий и простран́ный путь
возненави́дев,/ и ны́не моли́ся о нас, творя́щих пресве́тлую па́мь
твою́.

От ю́ности на безстра́стия го́ру возше́д и крест свой взял,/
невозврати́мо Христу́ последовал еси́/ и, духо́вную му́дрость стяжа́в,
Го́рняго Иерусали́ма дости́гл еси́, преподо́бне,/ моли́ о нас Еди́наго
Человеколю́бца.

Ны́не предсто́я, преподо́бне, Престо́лу Бо́жию,/ моли́ся о стране́
на́шей, изба́виться от нашествия́ иноплеме́нных,/ и христолю́бным

людей земли Россійския спасёние испроси моли́твами тво́ими, преподо́бне.

Богоро́дичен: С ве́рою и любóвию притека́ющих к Тебе́/ и со стра́хом пою́щих Тя/ моли́твенный глас услы́ши, Влады́чице.

Песнь 3

Ирмо́с: Несть свят,/ я́коже Ты, Го́споди Бо́же мой,/ вознеси́й рог ве́рных твои́х, Бла́же,/ и утверди́вый нас на ка́мени/ испове́дания Твоего́.

Моли́твами тво́ими, преподо́бне, предсто́я Бо́гу со А́нгелы,/ за весь мир моли́ся,/ бра́ни вра́жия, потреби́ти и побéду на супоста́ты дарова́ти.

От ю́ности ве́рою и любóвию прилепи́лся еси́ Влады́це Вы́шних сил, преподо́бне Серафи́ме,/ и, возсия́в в пусты́ни Саро́встей, я́ко со́лнце,/ в ско́рбех приходя́щим к тебе́ утёшитель был еси́;/ моли́ спасти́ся нам.

Яви́лся еси́, преподо́бне, моля́щимся тебе́ столп непоколеби́м/ и прибе́жище всем притека́ющим во оби́тель Саро́вскую/ и прие́млющим исцелёния благода́ть неоску́дную.

Богоро́дичен: Услы́ша Ё́ва прамáтерь:/ в печа́лех роди́ши ча́да./ Ты же, Чи́стая Де́во, услы́шавши:/ Госпо́дь с Тобо́ю, ра́дуйся, –/ ра́дованным гла́сом печа́ль прамáтере потреби́ла еси́.

Ин

Ирмо́с: Небе́снаго крúга Верхотво́рче, Го́споди,/ и Це́ркве Зижди́телю,/ Ты мене́ утверди́ в любви́ Твое́й,/ желáний кра́ю, ве́рных утвержде́ние,/ Еди́не Человеколю́бче.

Моли́ся, блаже́нне, Христу́ Бо́гу/ изба́виться нам от гла́да и па́губы,/ от напрáсныя сме́рти, от та́йных прегрешéний и помышлéний лука́вых,/ да чи́стым се́рдцем Христу́ возопи́м:/ моли́твами преподо́бнаго спаси́ нас, Го́споди.

Кро́тостию и смире́нием послéдуя Влады́це Христу́,/ всем вся вои́стинну был еси́,/ бо́гатых же и убо́гих неосла́бно благоче́стию поуча́я,/ бу́дущая, я́ко настоя́щая, прови́дел еси́./ Моли́ Христа́ Бо́га, преподо́бне, согрешéний на́ших оставле́ние дарова́ти.

Избáви обíтель твою́, преподóбне, от всякаго навéта вра́жия/ и испóлни ю́ любвé и благодáти, ё́же не помышля́ти о житéйских,/ но душеспаси́тельныя достíгнути добрóты молíтвами тво́ими.

Богорóдичен: Уповáние и надéжда нáша Ты еси́, Пречи́стая Влады́чице,/ спаси́ страну́ и лю́ди Твоя́,/ моля́щихся и íмя Твоё призывáющихя.

Седáлен, глас 4: Жите́йское мо́ре страсте́й воздержáнием препобедíв/ и в пристáнище безстра́стия прите́к,/ сосúд воздержáния яв́ился еси́, преподóбне Серафíме,/ моли́ Христа́ Бо́га дарова́ти нам ве́лию мíлость.

Сла́ва и ны́не: Егда́ предста́ну пред лицéм Созда́теля моего́ в День пра́веднаго Судá Егó,/ тогда́, Влады́чице, предста́ни ми и му́ки избáви мя ве́чныя,/ да не снíду во ад, но да спасúся Тво́им, Пречи́стая Богорóдице, заступлéнием.

Песнь 4

Ирмо́с: Христóс моя́ сíла,/ Бог и Господь,/ честна́я Цérковь/ боголéпно поёт, взыва́юще,/ от смýсла чýста о Го́споде прáзднующи.

Днесь́ свéтло прáзднует Сарóвская обíтель па́мять твою́, преподóбне, и молíт тя:/ испроси́ у Го́спода вселénней мир/ и душáм нашим ве́лию мíлость.

Вели́кими по́двиги тво́ими, преподóбне,/ я́ко фíникс, процвёл еси́,/ словесы́ благоплóдными и непорóчным жити́ем сердца́ притека́ющих к тебе́ услажда́я,/ и ны́не úбо моли́ся, да обрящем мíлость от Христа́, Спа́са нáшего.

Тво́ими молíтвами о нас умоли́ Бо́га, преподóбне Серафíме,/ и грехóвный мрак печа́ли нáшей разори́,/ безстра́стием, ве́рою и любóвию украси́ всех,/ преслáвную па́мять твою́ чтúщих.

Богорóдичен: Ра́дуйся, Влады́чице Дéво,/ Цérквам красото́, благочестíвым лю́дем держа́во и похвало́,/ непреста́нно моли́ся Христú Бо́гу,/ да сохранíт нас от бед молíтвами Тво́ими.

Ин

Ирмо́с: Услы́шах, Го́споди,/ смотре́ния Твоегó та́инство,/ разуме́х дела́ Твоя́/ и просла́вих Твоё Божество́.

Не то́кмо свята́я оби́тель Са́ро́вская,/ но и вся Росси́йская земля́
име́ет тя, блаже́нне, моли́твенника те́плаго и ско́раго помо́щника,/
кре́пкаго и непобе́ди́маго засту́пника и ходата́я о душа́х на́ших.

Бу́ди о нас моле́бник и ходата́й ко Пресвяте́й Тро́ице/ и подвигни
на моли́тву с тобо́ю ли́ки свята́ых,/ ихже жити́ю поревновáл еси́,
преподóбне,/ с ни́миже кúпно моли́ся о ми́ре и устро́ении всего́
ми́ра,/ да ти́хое и безмо́лвное жити́е поживе́м в ве́це сем/ и в
бу́дущем жизнь ве́чную насле́дуем.

В по́стницах вели́к быв, преподóбне,/ те́сное ино́ческое в пу́стыни
жити́е прохо́дил еси́/ и си́е во умиле́нной моли́тве сконча́л еси́./
Моли́ спаст́ися нам.

Богоро́дичен: Ты еси́, Пречи́стая Богоро́дице, прибе́жище на́ше и
утвержде́ние,/ моли́ Сы́на Твоего́ и Бо́га на́шего/ подáти нам
спасе́ние и грехо́в оставле́ние.

Песнь 5

Ирмо́с: Бо́жиим све́том Ттвои́м, Бла́же,/ у́тренующих Ти ду́ши любо́вию озари́,
молю́ся,/ Тя ве́дети, Сло́ве Бо́жий,/ у́стинного Бо́га,/ от мра́ка грехо́внаго
взыва́ющая.

Все́м приходя́щим к тебе́ был еси́ учи́тель и́стинный/ и к
Богоро́дице вели́кий моли́твенник,/ и ны́не, преподóбне, не преста́й
моля́ся о ча́дех твои́х,/ я́ко има́ши дерзнове́ние ве́лие.

Да вни́дут ны́не христоиме́ннии лю́дие во храм оби́тели
Са́ро́вския,/ к честны́м мо́щем твои́м, преподóбне Серафíме,
припа́дающе,/ и да про́сят от Тебе́ исцелéния, здра́вия и спасе́ния,
Христá велича́юще.

В но́щи моля́щу ти ся Бо́гу, преподóбне,/ враг невиди́мый хотя́ше
устраши́ти тя,/ но, моли́твою тво́ею посра́млен, исче́зэ вселука́вый.

Богоро́дичен: Бо́га, Егóже родила́ еси́, Пречи́стая Мари́е, моли́ рабо́м
Твои́м подáти прегреше́ний оставле́ние.

Ин

Ирмо́с: Просвети́ нас повеле́нии Твои́ми, Го́споди/ и мы́шцею Тво́ею вы́сокою/
Твой мир пода́ждь нам,/ Человеколю́бче.

Посто́м и непреста́нною моли́твою просла́вил еси́, преподóбне,
оби́тель Са́ро́вскую,/ елее́м от ико́ны Влады́чицы помазу́я

недужныя/ и тем исцеление неоскудно подавая,/ и ныне молися спастися душам нашим.

Святителие и священницы, сорадуйтесь иноком Саровским,/ и простии людие, вкупе воспойте блаженного отца,/ обуреваемых скорбми тихое пристанище,/ врача душевным и телесным недугом скорого.

Принеси молитвы твои преподобне,/ яко жертву благоприятну и непорочну, ко Пресвятей Троице,/ и не забуди нас, ныне творящих память твою, милость испроси ненавидящим, обидящим и враждующим на нас/ и избави всех от всякия скорби.

Богородичен: Управи ум мой, Владычице, обуреваемый страстми многими,/ спаси, Богородице, к Тебе прибегающий,/ иныя бо помощи, Чистая, разве Тебе, не знаем.

Песнь 6

Ирмос: Житейское море,/ воздвигаемое зря напастей бурей,/ к тихому пристанищу Твоему притек, вопию Ти:/возведи от тли живот мой,/ Многомилостиве.

Святая душа твоя обитель бысть Богу,/ в нейже Отец, Сын и Святей Дух вселися,/ темже молим тя, преподобне,/ наваждения вражия от чтущих тя отжени/ и верным людем мир и здравие даруй.

Великия твои пустынные подвиги и труды/ и сладость учения твоего почитаем, преподобне Серафиме,/ имиже многая приходящая к тебе просветил еси и научил еси воспевати Единосущную Троицу.

Житием чистым последовав Владыце Христу,/ течение доброе скончал еси, преподобне,/ к вечным же обителем возшед, блаженне,/ зриши тамо, яже Ангели видят,/ Темже, чтуще память твою, Христа величаем.

Богородичен: Ныне к Тебе прибегаю, Пречистая,/ спаси мя молитвами Твоими и соблюди:/ елика бо хощеши, можеши, яко Мати Всемоущаго.

Ин

Ирмос: Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближася,/ и молюся, яко Иона:/ от тли, Боже, возведи мя.

Грехо́в испо́лнени вси есмы́,/ тво́я же моли́твы, преподо́бне Серафи́ме, я́ко кади́ло благово́нно, ко Го́сподеви восхо́дят./ Ны́не мо́лим тя:/ волну́ющееся в земли́ на́шей мо́ре злаго́ неве́рия изсуши́/ и спасе́ние душа́м на́шим от Го́спода испроси́.

Блаже́н вои́стинну был еси́, преподо́бне Серафи́ме,/ нището́ю бога́тство и пла́чем ра́ дость стяжа́в,/ ю́же приходя́щим оби́льно подава́л еси́,/ и ны́не лучи́ чуде́с источа́еши/ и исцеля́еши всех, с ве́рою к тебе́ притека́ющих.

В пусты́ни кладене́ц ископа́в твои́ма рука́ма, преподо́бне,/ приходя́щая жа́ждущия лю́ди напои́л еси́,/ и ны́не мно́гим недужным водо́ю кладенца́ сего́ боле́зни исцеля́еши;/ вои́стинну дивна́го моли́твенника и чудотворца́ всем, преподо́бне, Влады́ка ты показá.

Богоро́дичен: Вои́стинну Тя, Ма́терь Бо́жию, испове́дуем, и́стинную Богоро́дицу:/ Твои́м бо Рожде́ством тле́ннаго осужде́ния изба́вихомся,/ милосе́рдия ра́ди Человеколю́бца Бо́га,/ и к жи́зни нетле́нней воззва́ни бы́хом.

Конда́к, глас 2: Ми́ра красото́у и я́же в нем тле́нная оста́вив, преподо́бне,/ в Сара́вскую оби́тель всели́лся еси́/ и, та́мо а́нгельски пожив́,/ мно́гим путь был еси́ ко спасе́нию,/ сего́ ра́ди и Христос тебе́, о́тче Серафи́ме, просла́ви/ и да́ром исцелéний и чуде́с обогати́./ Те́мже вопие́м ти:/ ра́дуйся, Серафи́ме, преподо́бне о́тче наш.

Икос: Оста́вив род и дру́ги,/ бога́тство, я́ко прах, вмени́в,/ в пусты́ни Сара́встей водвори́лся еси́/ и, на стра́сти, я́ко безплóтен, подви́зався, А́нгелов ликостоя́ния сподо́бился еси́./ Те́мже духо́вная разумéния прии́м,/ пода́ждь и нам, преподо́бне, разу́мно пéсньми воспéти тя, си́це глаго́лющим:/ ра́дуйся, Серафи́ме блаже́нне, Небе́сный челове́че и земны́й А́нгеле;/ ра́дуйся, в любви́ Христу́ подража́телю;/ ра́дуйся, Свята́го Ду́ха оби́тель;/ ра́дуйся, уныва́ющим ве́лие ра́дование;/ ра́дуйся, исто́чнице исцелéний;/ ра́дуйся, скорбя́щим душа́м сла́дкое утешéние;/ ра́дуйся, ино́ком ти́хое пристáнище и учи́телю премудры́й;/ ра́дуйся, похвало́ земли́ Росси́йския;/ ра́дуйся, Серафи́ме, преподо́бне о́тче наш.

Песнь 7

Ирмос: Росодательну ўбо пещь/ содела Ангел/ преподобным отроком,/ халдеи же опаляющее/ веление Божие мучителя увещая вопити:/ благословен еси, Боже отец наших.

Чудно житие твое явися, преподобне,/ благодатию Божественного Духа исполнено,/ блаженну воистинну кончину преподобных приял еси, о Христе радуясь./ Мы же к прославльшему тя взываем:/ отец наших Боже, благословен еси.

Множество людей, во святую обитель сошедшеся днесь, преподобне Серафиме,/ честным мощем твоим покланяется,/ от нихже исцеления вси почерпаем, непрестанно зовуще;/ отец наших Боже, благословен еси.

Во всю землю изыде вещание сие,/ яко в Сарове чудотворец преславен явися,/ исцелений множество источая всем, с верою приходящим и вопиющим:/ отец наших Боже, благословен еси.

Богородичен: Богородице Дево,/ рождающая Слово паче слова, Зиждителя Твоего,/ Того моли с преподобным Серафимом помиловати души наша.

Ин

Ирмос: От Иудеи дошедше, отроцы/ в Вавилоне иногда/ верою Троицескою пламень пещный попраша, поюще:/ отцев Боже, благословен еси.

Помилуй нас, Господи,/ и от всякого зла душевного сохрани молитвами угодника Твоего, преподобного Серафима,/ да вси умильно вопиём Ти:/ отец наших Боже, благословен еси.

Кто не почудится, кто не прославит неизследимую глубину милосердия Твоего, Господи,/ яко явил еси всему миру угодника Твоего, преподобного Серафима,/ молитвенника теплаго о нас, вопиющих Тебе:/ отец наших Боже, благословен еси.

Благодарное сие пение, от нас приносимое тебе, преподобне Серафиме, прими/ и всем нам, празднующим святую память твою/ и поклоняющимся мощем твоим, исцеление даруй, вопиющим:/ отец наших Боже, благословен еси.

Богорóдичен: Ты еси́, Пресвятáя Богорóдице, прибéжище нáше и утверждéние,/ моли́ Сы́на Твоего́ и Бо́га нáшего/ подáти нам спасéние и грехóв оставлéние.

Песнь 8

Ирмós: Из пла́мене преподóбным рóсу источи́л еси́/ и прáведного жéртву водо́ю попали́л еси́:/вся бо твори́ши, Христé, то́кмо éже хотéти./ Тя превозно́сим во вся вéки.

Плотскíя стра́сти укроти́в и мíрови умертви́вся,/ глаго́лы жи́зни вéчныя сéрдцем твои́м, блаже́нне, прия́л еси́,/ научáя всех, к тебé притека́вших, вызы́ати:/ Го́спода по́йте, дела́, и превозно́сите Егó во вéки.

В прославлéнии честнóх мощéй твои́х, преподóбне,/ обíтель Сарóвская рáдости испóлнися./ Лю́дие же вси дíвному во святóх Свои́х Бо́гу вызы́аху:/ Го́спода по́йте, дела́, и превозно́сите Егó во вéки.

Благода́тию Божéственнаго Дúха испóлнен сый, преподóбне Серафíме,/ вéрным лю́дем, творя́щим святúю пáмять твою́,/ моли́твами твои́ми испроси́ грехóв прощéние, вопи́ющим:/ дéти, благослови́те, священ́ницы, воспóйте,/ лю́дие, превозно́сите Го́спода во вéки.

Богорóдичен: Спасéния Ходáтаица нам яви́лася еси́, Богорóдице,/ рóждшая Спа́са и Влады́ку всех,/ тéмже мо́лим Тя:/ спасéния сподóби всех, песнослóвящих Тя вéрно во вся вéки.

Ин

Ирмós: Царя́ Небéснаго,/ Егóже пою́т во́и А́нгельстии,/ хвали́те и превозно́сите во вся вéки.

Добродéтельному жити́ю твоему́, преподóбне, позавíдев, враг вселука́вый/ восхотé запя́тие тебé сотвори́ти,/ ты же, благода́тию Бо́жиею и моли́твами Влады́чицы посрамíв того́,/ Бо́га прослáвил еси́, песнослóвя:/ Го́спода по́йте, дела́, и превозно́сите Егó во вéки.

Я́ко мо́лния, блиста́ющися, свéтится на поднебéсней,/ та́ко и вещания о твои́х, преподóбне, чудесéх во всю зéмлю изыдо́ша./ Мы же, дивя́щися сла́ве твоéй, вопи́ем:/ дéти, благослови́те, священ́ницы, воспóйте,/ лю́дие, превозно́сите Го́спода во вéки.

Сúетными и стра́стными помышлѣнии мятúщийся ум наш исцелѣи,
преподóбне,/ вóлны злáго нечѣстия укротѣи,/ разсла́бленная
житѣйскими попечѣнии сердца́ нáша укрепѣи,/ да слáвим Христа́
Содѣтеля во вся вѣки.

Богорóдичен: Рáдуйся, престóле Господень огнезрáчный;/ рáдуйся,
зарѣ невестѣственнаго блистáния;/ рáдуйся, óблаче возсия́вшего
Сóлнца предѣвнаго, Христа́ Спáса нáшего,/ Егóже превозно́сим во
вся вѣки.

Пѣснь Богорóдицы: Велѣчит душá моя́ Гóспода: <см. основной Чин>

Песнь 9

Ирмós: Бóга челове́ком невозмо́жно ви́дети,/ на Него́же не смѣют ч́ини
А́нгельстии взирáти,/ Тобóю же, Всеч́истая, явѣся челове́ком/ Сло́во воплощённо,
Егóже велича́юще,/ с Небѣсными во́и Тя ублажа́ем.

Недостóйными усты́ воспева́емое тебѣ ма́лое хвалѣние нáше,
преподóбне, не прѣзри, но приими́/ и всех, прославля́ющих тя,
освятѣи,/ бед, и напáстей, и вѣчнаго мучѣния избáви,/ да ты прѣсно
воспева́ем.

Мраз но́щный и вар дневнýй во уединѣнии пустýннем
дóблественне претерпѣв,/ дом Премúдрости Бóжия был еси́/ и к
сия́нию невечѣрнему востѣкл еси́./ Моли́ спастѣся нам.

Слáвится днесь обѣитель,/ в нейже ярѣм Христóв прѣяти изво́лил
еси́:/ та́мо бо, в пустýни, дни твоѣ пребы́л еси́/ и, тво́ими учѣньми
мнóги приходѣщия к тебѣ вразумѣв,/ научѣл еси́ б́ити чáда Цѣркве
Христóвы.

Богорóдичен: Ты еси́ крѣпость нáша,/ Ты еси́ похвалá и рáдование,
Хранѣтельница нáша, заступлѣние,/ прибѣжище и Предстáтельница
непобедѣмая,/ Преч́истая Богорóдице, спасѣ рабы́ Твоѣ.

Ин

Ирмós: Во́истинну Богорóдицу,/ Тя исповѣдуем,/ спасѣннии Тобóю, Дѣво
Ч́истая,/с Безплóтными л́ики Тя велича́ющее.

Велѣким отцѣм, дрѣвле в постѣ и пóдвизех просия́вшим,
поревновáв, преподóбне,/ чрез вся дни животá твоегó в молѣтве,
слезáх и трудѣх пребы́л еси́,/ дóндеже достѣгл еси́ Небѣсныя
обѣители,/ тѣмже ты достóйно ублажа́ем.

Крѣпкою сілою Христос Бог тя препояса и укрепі побеждати козни демонския, преподобне./ Тѣмже ныне молим тя:/ моли Человеколюбца Бога,/ да избавит всех нас от вражих нахождений и искушений и спасет души наша.

В болѣзнях и скорбех наших к тебѣ, преподобне, прибегаем/ и из глубины душевныя вопиѣм:/ буди нам небурное пристанище и болѣзнем скорый целитель/ и избави нас от всякаго недуга и нужды,/ да ты непрестанно величаем.

Богородичен: Единого от Святыя Троицы, Слова и Сына родила еси, Дево Пречистая,/ Егоже с преподобными и праведными моли о рабех Твоих,/ верою просящих грехов прощения.

<далее см. основной Чин>

Изменяемое №9

Светилен:

Приидите, вси вернии,/ священными пѣснями восхвалим дивнаго в чудесех преподобного Серафима,/ новаго светильника Россійския земли,/ Ангелом собесѣдника и теплаго молитвенника к Богу/ о чтущих святую память его.

Слава, и ныне: По Бозе упование имуще на Тя, Пречистая Богородице,/ молим Ти ся:/ Родшагося из Тебѣ умоли даровати мир вселенней и велию милость.

<далее см. основной Чин>

Изменяемое №10

На стиховне стихиры глас 5:

Радуйся, Ангелом собесѣдниче,/ преподобне Серафиме,/ благочестно бо на земли пожив,/ многи, приходящия к тебѣ, страху Господню поучал еси;/ благодатию Пресвятаго Духа озаряемь,/ зрел еси будущая, яко настоящая,/ и умиления и радости многи скорбящия душею исполнял еси./ Тѣмже молим ти ся:/ молися Господеву о чтущих тя.

Стих: Честна пред Господем/ смерть преподобных Его.

Радуйся, заблуждших учителю предивный,/ Христа Господа во храме со Архангелы и Ангелы видети сподобивыйся./ И ныне, преподобне,/ на Небесех Того зрѣния вѣну наслаждаяся,/ молися о нас,/ верою творящих память твою.

Стих; Блажен муж, бояйся Господа,/ в заповедех Его восхощет зело.

Радуйся, преподобне Серафиме,/ всем бо храните истинную веру Христову заповедал еси,/ и, Вышняго жития вожделев,/ богатство возненавидел еси:/ ныне же неизреченную красоту Небесную зриши/ и сладкаго пения Ангельскаго наслаждаешься./ Темже молися Господеви/ даровати нам мир и велию милость.

Слава, глас 6: Преподобне отче Серафиме,/ кто исповесть труды твои и болезни?/ Или кий язык изречет жестокое пустынное твоё житие,/ бдение же и пощение,/ ещё же в затворе пребывание,/ устен безмолвие и моление непрестанное?/ Воистинну явился еси постником украшение,/ молитвенник к Богу непостыдный./ Темже к тебе вопием:/ радуйся, иноческаго жития правило;/ радуйся, в бедах и скорбех великое утешение/ и тёплый всем предстателю./ Молися, преподобне, спастися душам нашим.

И ныне, Богородичен: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первыя клятвы Адама свободи./ Темже Ти, Всечистая,/ яко Божии Матери же и Деве,/ воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром 15 января

Изменяемое №11

По 1-м стихословии седальны **глас 4:**

Знаменiem крестным и молитвою вражия искушения победив,/ постом и воздержанием Господеви благоугодил еси:/ темже чудес приял еси дар, всем исцеления подавая,/ верою притекающим к мощем твоим, Серафиме преподобне,/ моли Христа Бога грехов оставление даровати/ чтущим любовью святую память твою.

Слава, и ныне, Богородичен: *<далее см. основной Чин>*

Изменяемое №12

По 2-м стихословии седальны **глас 1:**

Во глубине пустыни Саровския колена преклонял еси на камени,/ воздевая преподобней твои руки ко Господу,/ темже от Спаса благодать Святаго Духа приял еси/ страждущие телесы исцеляти и

ду́ши ве́рных просвещáти./ Сего́ ра́ди вопи́ем ти:/ моли́, преподо́бне, Христá Бо́га спаст́ся нам,/ прáздную́щим святу́ю па́мь твою́.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 4:*

От ю́ности Христá возлюби́л еси́, блаже́нне,/ и, Тому́ Еди́ному рабо́тати пла́менне вожде́лев,/ непреста́нною моли́твою и трудо́м в пусты́ни подвижа́лся еси́,/ умиле́нным же се́рдцем любо́вь Христо́ву стяжа́в,/ избра́нник возлю́блен Бо́жия Ма́тере яви́лся еси́./ Сего́ ра́ди вопи́ем ти:/ спаса́й нас мо́литвами твои́ми, Серафи́ме, преподо́бне о́тче наш.

<далее см. основной Чин>

Изменяемое №14

На хвали́тех стихи́ры:

Сти́х: Сотвори́ти в них суд напу́сан./ Сла́ва сия́ бу́дет всем преподо́бным Егó.

Сти́х: Хвали́те Бо́га во святы́х Егó,/ хвали́те Егó во утвержде́нии си́лы Егó.

Сти́х: Хвали́те Егó на си́лах Егó,/ хвали́те Егó по мно́жеству вели́чества Егó.

Глас 8: Приспе́ всечестны́й прáздник оби́тели Сара́вския,/ па́мь преподо́бнаго Серафи́ма,/ ему́же ны́не си́це возопи́им:/ ра́дуйся, по́стником свети́ло и утвержде́ние,/ ино́ком звездó, я́коже волхво́м,/ показу́ющая путь в Небе́сныя оби́тели,/ священником похвало́ пресла́вная,/ любве́ и целому́дря исто́чнице неизсяка́емый,/ свети́льнице пресве́тлый духо́внаго рассу́ждения;/ ра́дуйся, пра́вило добродéтелем вели́кое.

Сти́х: Хвали́те Егó во гла́се тру́бнем,/ хвали́те Егó во псалти́ри и гу́слех.

Приспе́ всечестны́й прáздник оби́тели Сара́вския,/ па́мь преподо́бнаго Серафи́ма,/ ему́же ны́не си́це возопи́им:/ ра́дуйся, по́стником свети́ло и утвержде́ние,/ ино́ком звездó, я́коже волхво́м,/ показу́ющая путь в Небе́сныя оби́тели,/ священником похвало́ пресла́вная,/ любве́ и целому́дря исто́чнице неизсяка́емый,/ свети́льнице пресве́тлый духо́внаго рассу́ждения;/ ра́дуйся, пра́вило добродéтелем вели́кое.

Сти́х: Хвали́те Егó в тимпа́не и ли́це,/ хвали́те Егó во стру́нах и орга́не.

Блаже́нне о́тче Серафи́ме,/ Христо́ви вои́стинну послéдовал еси́,/ братолю́бием и незло́бием всех к себе́ привлека́я,/ кро́тостию же и

смирением/ мно́ги добродѣтельному пути́ научая./ Тѣмже любóвию пáмьять твою́,/ преподóбне Серафíме, ублажа́ем.

Стíх: Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыхáние да хвáлит Гóспода.

В пусты́ню вселíлся есí, преподóбне,/ и, та́мо испóлнився духо́вныя премúдрости,/ на высотú добродѣтели возшёл есí./ Тѣмже вопи́ем ти:/ рáдуйся, церкóвное украш́ение,/ священником дóброе утеш́ение,/ íноком благол́епие и похвалó,/ Серафíме блаж́енне,/ моли́ Христа́ Бóга мир вселénней даровáти/ и душáм нáшим вéлию мíлость.

Слáва, глас 6: Приидíte, íноков собóри и пóстников сослóвие,/ приидíte, христоименíтых людéй мнóжества,/ пёсньми íстиннаго пóстника почт́им, вопи́юще:/ рáдуйся, по стопáм Влады́ки Христа́ úзким путём управля́емый,/ и притека́ющим к тебé в бедáх и скóрбех скóрый помóщниче,/ и спас́ения ходáтаю предíвный./ Рáдуйся, дáром прорóчества укра́шенный,/ прорицáяй, я́ко настоящáя, грядúщáя,/ моли́ся, преподóбне Серафíме,/ о чтúщих вéрою и любóвию святу́ю пáмьять твою́.

И ны́не, Богорóдичен: <далее см. основной Чин>

Изменяемое №15

Кондак *глас 2:*

Мíра красотú и я́же в нём тлénная оста́вив, преподóбне,/ в Сарóвскую обíтель вселíлся есí,/ и та́мо áнгельски пожíв,/ мнóгим путь был есí ко спас́ению,/ сего́ рáди и Христóс тебé, óтче Серафíме, прослáви/ и дáром исцел́ений и чудес обогатí./ Тѣмже вопи́ем ти:/ рáдуйся, Серафíме, преподóбне óтче наш.

<далее см. основной Чин>

На Литургии

Изменяемое №20

Прокíмен, *глас 7:* Честна́ пред Гóсподем/ смерть преподóбных Егó.

Стíх: Чтó возда́м Гóсподеви о всех, я́же воздаде́ ми?

Изменяемое №21

Аллилуиа, *глас 6:* Блажен муж, боя́йся Господа, в заповедех Его восхо́щет зело. *Стíх:* Сильно на земли́ будет семя́ его.

Прича́стен: В па́мять ве́чную: